

Christliche Leichpredigt.

oder über lang / Wer dort wol liegen wil / der muß ihm hie wol
betten / Wer mit gutem Gewissen wil wieder auffstehen / der lege
sich hie mit gutem Gewissen schlaffen / So wird ihm sein Tod
sanft vnd füß ankommen / vnd zum ewigen Leben gehen / Da we-
der Tod noch geschrey / noch Leid noch schmerz mehr sein / Son-
dern die Erlöseten des HERRN / lauter Wonne vnd
Frewde ergreissen / Alles Trauren vnd Seuffzen von ihnen
fliehen / vnd ewige Frewde auff ihrem Haubte sein wird / Apo-
cal: 14. Esaiæ 51. Apocal: 21.
Apoc: 14. v. 13.
Item, 21. v. 4.
Esaiæ 51. v. 11.

Vnd diß sey auch genug von dem Andern Stück / Wie Kö-
nig Josias solchs seins Lobs genossen / in dem / daß er zu seinen
Vätern versamlet / vnd allem Unglück entgangen ist.

Zom Dritten vnd Letzten Stück.

Mir habe ich noch / Ihr meine Gelieb-
ten im HERRN / bey E. E. E. das allerschwereste noch
zuverrichten / Denn ich soll jeho meine Rede wenden
auff gegenwärtige selige Leiche / Des Wolgeborenen Gra-
fen vnd Herrn / Herrn Christoph des Eltern Schlis-
ckens / Grafens zu Passau / Herrn zur Weissen-
kirchen / vff Tuppaw vnd Falckenaw ic. Christmilder
gedechtnuß / weyland unsers Gnedigen / nunmals aber in Gott
ruhenden seligen Herrns. Ach wie gern wolte ich / daß nun jeho
ein anderer solt für mich herfür treten vnd weiter reden / denn ich
erkenne mich je viel zu wenig vnd gering darzu / ich erkenne meine
schwache Gebrechlichkeit vnd gebrechliche Schwachheit: Weils
denn aber je nicht anderst sein mag / vnd hierinnen auch unsers
seligen Grafen vnd Herrn letzter wolmeinender Dienst vnd
Wille